



USAID
FROM THE AMERICAN PEOPLE



Privredna
komora USK

PRAVILNIK

o načinu i uslovima korištenja sredstava za podršku privrednim društvima u aktivnostima obuke radne snage, uvođenja, sertifikacije i resertifikacije standarda kvaliteta i pristupa tržištima

Član 1.

Pravilnikom o načinu i uslovima korištenja sredstava za podršku privrednim društvima u aktivnostima obuke radne snage, uvođenja, sertifikacije i resertifikacije standarda kvaliteta i pristupa tržištima (u daljem tekstu: Pravilnika) definišu se aktivnosti koje se finansiraju u okviru Projekta podrške privrednim društvima (dalje u tekstu: Projekat podrške), uslovi korištenja sredstava za podršku, ciljevi i kriterijumi za ostvarivanje prava na korištenje sredstava za podršku, formiranje Odbora Projekta podrške za izbor korisnika sredstava, način isplate i rokovi za realizaciju aktivnosti, kontrola i nadzor korištenja sredstava za podršku i obaveze koje korisnik sredstava za podršku mora ispuniti prije i nakon dobijanja sredstava za podršku, te nadgledanje i ocjena postignutih rezultata.

Član 2.

1) Projekat podrške privrednim društvima u Unsko sanskom kantonu namjenjen je malim i srednjim preduzećima koja posluju u sektorima drvoprerade, metaloprerade i tekstila/obuće, za sufinansiranje sljedećih aktivnosti:

- Obuke radne snage kroz programe dokvalifikacije, prekvalifikacije ili kroz angazman konsultanta/trenera za odredjenu oblast,
- Uvođenje, sertifikacija ili resertifikacija sistema upravljanja kvalitetom i/ili proizvoda,
- Pristup tržištima, odnosno aktivnosti koje će direktno uticati na povećanje obima prodaje i izvoza, kao što su npr. aktivnosti promocije, izlaganja na sajmovima, B2B susreti i sl.

2) Korisnici sredstava za podršku za sufinasiranje aktivnosti iz stava 1) ovog člana mogu biti privredna društva, grupe privrednih društava i organizacije koje sprovode navedene aktivnosti za privredna društva (npr. trening centri, razvojne agencije i sl.).

3) aktivnosti iz stava 1) ovog člana, treba da doprinesu ostvarenju sva tri definisana cilja Projekta podrške, i to: povećanju broja zaposlenih, povećanju prodaje i povećanju izvoza.

4) Ukupan iznos sredstava Projekta podrške iznosi KM 117.000,00 od čega je KM 80.000,00 obezbjeđeno kroz Ugovor o grantu sa USAID projektom „Razvoj radne snage i većeg pristupa tržištima“ (WHAM), i KM 37.000,00 kroz finansijsko učešće Vlade Unsko sanskog kantona, te

sljedećih gradova i općina: Grad Bihać, Općina Bosanska Krupa, Općina Bužim, Općina Cazin, Općina Ključ i Općina Sanski Most.

5) Sredstva podrške će se dodjeljivati u toku dva ciklusa odabira privrednih društava. Prvi javni poziv za selekciju privrednih društava će biti objavljen u maju 2018. godine za implementaciju aktivnosti iz stava 1) ovog člana u periodu juni – oktobar 2018. godine. Drugi javni poziv, predviđen je da se objavi u novembru 2018. godine po uspješnoj implementaciji aktivnosti i ostvarenim rezultatima u odabranim privrednim društvima iz prvog ciklusa odabira korisnika Projekta podrške. Period implementacije odobrenih aktivnosti u drugom ciklusu odabira privrednih društava je novembar 2018. godine - mart 2019. godine.

Član 3.

1) Pravo na sufinansiranje aktivnosti navedenih u članu 2. stav 1) ovog Pravilnika imaju mala i srednja preduzeća u privatnom vlasništvu u Unsko sanskom kantonu registrovana za obavljanje proizvodnih djelatnosti u sektorima drvoprerade, metaloprerade i tekstila/obuće bilo da se prijave individualno, kao grupa preduzeća, ili kroz organizaciju koja pruža uslugu privrednim društvima (npr. trening centar, razvojne agencije, i sl.).

2) Pravo na korištenje sredstava iz Projekta podrške ne ostvaruju privredna društva koja su već realizovala aktivnosti navedene u Prijavi (ne mogu se retroaktivno koristiti sredstva za realizovane aktivnosti).

4) Korisnici projekta podrške mogu biti samo privredna društva koja pristaju na nadgledanje i izvještavanje o korištenju sredstava i postignutim rezultatima u skladu sa USAID WHAM pravilima, što će se regulisati Memorandumom o razumijevanju između Privredne komore Unsko sanskog kantona i odabranog privrednog društva ili organizacije za sprovođenje odobrenih aktivnosti navedenih u Prijavi.

Član 4.

1) Sredstva iz Projekta podrške dodjeljuju se na osnovu javnog poziva objavljenog na internet stranici Privredne komore Unsko sanskog kantona.

2) Javni poziv za korištenje sredstava Projekta podrške će biti objavljen dva puta u toku 2018. god. Prvi javni poziv će biti objavljen **14. maja 2018.** godine za odabir preduzeća koja će implementirati jednu ili više aktivnosti iz člana 2. stav 1) ovog Pravilnika u periodu juni – oktobar 2018. godine. Objavljivanje javnog poziva za drugi ciklus odabira preduzeća se očekuje u novembru 2018. godine za aktivnosti iz člana 2. stav 1) ovog Pravilnika koje će se implementirati u periodu novembar 2018. godine - mart 2019. godine.

3) Javni poziv sadrži uslove za korištenje sredstava Projekta podrške, kriterije za dodjelu sredstava, te rokove za dostavljanje prijava i rokove za implementaciju odobrenih aktivnosti.

4) Obrazac za prijavu na javni poziv iz stava 1) ovog člana nalazi se u Prilogu I ovog Pravilnika i čini njegov sastavni dio.

5) Javni poziv može biti objavljen i na internet stranicama USAID WHAM projekta, Vlade Unsko sanskog kantona, te gradova i općina iz člana 2. stav 3) koje su učestvovali u finansiranju Programa podrške, kao i u lokalnim medijima.

6) Po objavljenom javnom pozivu i pristiglim prijavama privrednih društava do definisanog roka u javnom pozivu, Odbor projekta će vršiti selekciju privrednih društava na osnovu sljedećih parametara:

- MSP iz sektora drvoprerade, metaloprerade, tekstila/obuće,
- Aktivnosti koje su predmet podrške u skladu sa aktivnostima nevedenim u članu 2.stav 1),
- Period implementacije aktivnosti u skladu sa definisanim rokovima iz javnog poziva;
- Rezultati (nova radna mjesta, povećanje prodaje i izvoza),
- Zapošljavanje žena i mladih će dodatno uticati na pozitivno ocjenjivanje,
- Priložena tražena dokumentacija (uvjerenje o izmirenim poreskim obavezama, finansijski izvještaj za prethodni obračunski period i tri ponude za aktivnost/uslugu, ukoliko je moguće, a ukoliko nije, npr. ukoliko se radi o specifičnoj usluzi gdje ne postoje tri ponudjača, navedeno odgovarajuće obrazloženje),
- učešće privrednog subjekta u troškovima aktivnosti najmanje 50%, a veći nivo učešća je poželjan,
- aktivnosti nemaju uticaj na zagađenje životne sredine,

Član 5.

1) Sredstvima iz Projekta podrške mogu da se sufinansiraju sljedeći troškovi:

- Do 50% troškova za aktivnosti obuke radne snage;
- Do 50% troškova za aktivnosti uvođenja, sertifikacija ili resertifikacija sistema upravljanja kvalitetom i/ili proizvoda;
- Do 50% troškova za aktivnosti pristupa tržištima, odnosno aktivnosti kojima će se direktno uticati na povećanje obima prodaje i izvoza;
- Do 50% troškova programa koji obuhvata kombinaciju gore navedenih aktivnosti;

2) Metodologija realizacije podrške:

- a) Privredno društvo – korisnik sredstava podnosi Prijavu za korištenje sredstava na propisanom obrascu (Prilog I Pravilnika).
- b) Privredno društvo – korisnik sredstava dužan je da uz prijavu priloži tri ponude davaoca usluga, ukoliko to specifičnost usluge dozvoljava i da objasni zašto je odabran određeni ponuđač, u slučaju da nije izabrana najpovoljnija ponuda. Uz prijavu je neophodno priložiti i bilans stanja i uspjeha za poljednji obračunski period (2017. god) i uvjerenje o ozmirenim poreskim obavezama koje nije starije od 3 mjeseca.

- c) Po odabiru privrednog društva za aktivnosti navedene u prijavnom obrascu od strane Odbora projekta, Privredna komora Unsko sanskog kantona potpisuje Memorandum o razumijevanju sa privrednim društvom o regulisanju međusobnih prava i obaveza. Memorandum o razumjevanju će biti naknadno dostavljen privrednim društvima koja su zadovoljila kriterijume i odobrena od strane Odbora projekta.
- d) Po potpisnom Memorandumu o razumijevanju, korisnik podsticaja će angažovati odabranog ponuđača koji će izvršiti uslugu/aktivnost u skladu sa planom implementacije iz Prijave.
- e) Po završenim aktivnostima, korisnik podsticaja plaća uslugu, dostavlja dokaze o izvršenoj aktivnosti i postignutim rezultatima i predaje Privrednoj komori Zahtjev za refundiranje sredstava (Prilog II).
- f) Dokazi o izvršenoj aktivnosti i postignutim rezultatima iz stava 2) tačke e) ovog člana podrazumjevaju dostavljanje relevantne dokumentacije za verifikaciju implementacije odobrene aktivnosti iz Prijave, dokaze o novom zapošljavanju i povećanju prodaje i izvoza. Dokazna dokumentacija podrazumjeva:
 - Ugovor sa davaocem usluga,
 - Izvještaj o izvršenoj usluzi/aktivnosti,
 - Račun za izvršenu uslugu,
 - Dokaz o izvršenoj uplati davaocu usluga,
 - Dokaz o namjenskom trošenju sredstava (npr. primjerak štampanog promotivnog materijala, fotografije sa sajma ili obuke, kopija sertifikata, popunjeni upitnici, i sl.),
 - Dokaz o novom zapošljavanju (kopija PD 3100 formulara),
 - Dokaz o povećanju prodaje i izvoza (godišnji finansijski izvještaji i upitnici koji će biti dostavljeni privrednim društvima nakon izvršene aktivnosti i periodično tokom trajanja USAID WHAM projekta),
- g) Privredna komora Unsko sanskog kantona zadržava pravo da zatraži dodatnu dokumentaciju i obrazloženje u vezi sa troškovima nastalim u postupku realizacije projektne aktivnosti.
- h) Privredna komora Unsko sanskog kantona isplaćuje privrednom društvu sredstva iz Projekta podrške kao naknadu troškova navedenih u dostavljenom Zahtjevu za refundiranje sredstava (Prilog II) i dokumenata iz stava 2) tačka f) ovog člana, kojima se dokazuje realizovana aktivnost.

Član 6.

- 1) U skladu sa članom 5. ovog Pravilnika, nivo podrške privrednom društvu je uslovлен ostvarenim rezultatima i okvirno se kreće KM 1.300,00/po novom radnom mjestu, uz prosječno povećanje prodaje 10% na godišnjem nivou, i prosječno povećanje izvoza 5% na godišnjem nivou.

2) Visina odobrenih podsticjanih sredstava ne može preći 50% od ukupnih troškova, bez uračunatog PDV-a i ostalih poreskih obaveza. Troškove PDV-a i ostale poreske obaveze snosi korisnik podsticaja ili se namiruju iz učešća drugih strana, osim USAID WHAM sredstava.

Član 7.

- 1) Odbor projekta, na osnovu definisanih kriterijuma i matrice za ocjenjivanje jednoglasno vrši odabir korisnika sredstava.
- 2) Matrica za ocjenjivanje iz stava 1) ovog člana se nalazi u Prilogu III ovog Pravilnika.
- 3) Odbor projekta čine predstavnici svih institucija/organizacija koje su učestvovali u finansiranju Projekta podrške.
- 4) Odbor projekta, u roku od sedam (7) dana od dana isteka roka navedenog u Javnom pozivu vrši ocjenu pristiglih prijava, utvrđuje listu uspješnih prijava i izvještava o rezultatima Javnog poziva.
- 5) Odbor projekta, na osnovu pristiglih prijava i dostupnih sredstava može da odredi manji nivo podrške privrednim društvima (do 5%) od okvirno navedenog u članu 6. stavu 1) i 2).

Član 8.

- 1) Privredna društva, ili grupa privrednih društava, kao i organizacije koje sprovode aktivnosti za privredna društva, a koja na osnovu javnog poziva ostvare uslove za korištenje sredstava Projekta podrške zaključuju Memorandum o razumijevanju sa Privrednom komorom Unsko sanskog kantona.
- 2) Memorandom o razumijevanju iz stava 1) ovog člana, definisane se odobreni iznos podsticaja (koji može biti do 50% od ukupnog troška za odobrenu aktivnost), rokovi realizacije aktivnosti, očekivani rezultati, te druga značajna pitanja.

Član 9.

- 1) Nakon potpisivanja pojedinačnih Memoranduma o razumijevanju sa korisnicima sredstava, Privredna komora Unsko sanskog kantona će vršiti redovno nadgledanje realizacije aktivnosti i pratiti realizaciju očekivanih rezultata.
- 2) Po završetku projektnih aktivnosti u pojedinačnim privrednim društvima, Privredna komora Unsko sanskog kantona dostavlja izvještaj Odboru projekta sa pratećom dokumentacijom i vrši refundaciju troškova privrednom društvu, uz prethodno odbrenje USAID WHAM projekta.

Član 10.

- 1) Nadzor nad sprovođenjem i izvršenjem odredbi ovog Pravilnika vrši Privredna komora Unsko sanskog kantona, USAID WHAM projekat i članovi Odbora projekta.

2) U slučaju da se u toku vršenja nadzora utvrdi povreda odredbi ovog Pravilnika od strane korisnika Projekta podrške, Odbor projekta, na osnovu izvještaja vršioca nadzora, može odlučiti da se iznos odobrenih sredstava umanji ili da odbije u cijelosti refundaciju troškova.

Član 11.

Ovaj Pravilnik stupa na snagu danom usvajanja od strane Odbora projekta i biće objavljen na Oglasnoj tabli i internet stranici Privredne komore Unsko sanskog kantona.

Broj: 02-47-151/18
g. Nihad Šušnjar, generalni sekretar
Datum:
14.05.2018.godine



Partneri:



Vlada Unsko
sanskog kantona



Grad Bihać
Krupa



Općina Bosanska
Krupa



Općina Bužim



Općina Cazin



Općina Ključ



Općina Sanski
Most